

Visoki predstavnik dozvolio vraćanje putnih isprava jednoj osobi

Nakon konsultacija sa relevantnim partnerima u oblasti sigurnosti i provođenja zakona, visoki predstavnik Valentin Inzko danas je objavio Odluku kojom se ukida uredba o oduzimanju putnih isprava jednoj osobi koja je bila pod istragom za zločine počinjene u i oko Srebrenice 1995. godine.

Odluka visokog predstavnika uslijedila je zbog činjenice da je institucija BiH nadležna za provođenje istrage obustavila istragu protiv ove osobe.

Principi jednakosti, propisnog rukovođenja i razumnog vršenja međunarodnog mandata visokog predstavnika, a koji uzimaju u obzir balans između zaštite procesa provedbe mira i prava pojedinaca, opravdavaju ovakav ishod. Uredba o oduzimanju putnih isprava je donesena 10. jula 2007. godine da bi se spriječio rizik od mogućeg bijega dok agencije za provođenje zakona provode svoje istrage.